

CABINET

DYDD LLUN, 30 MEDI 2024

YN BRESENNOL: Y Cyngorydd D. Price (Cadeirydd)

Cynghorwyr (Yn y Siambr):

G. Davies	L.D. Evans	P.M. Hughes	A.C. Jones
A. Lenny	J. Tremlett		

Cynghorwyr (Yn Rhithwir):

A. Vaughan Owen

Hefyd yn bresennol (Yn Rhithwir):

Cyngorydd D.M. Cundy (mewn perthynas ag eitem 6)

Hefyd yn bresennol (Yn Rhithwir):

M. Runeckles, Swyddog Cymorth i'r Aelodau

Hefyd yn bresennol (Yn y Siambr):

W. Walters, Prif Weithredwr
C. Moore, Cyfarwyddwr Gwasanaethau Corfforaethol
G. Morgans, Cyfarwyddwr Addysg & Gwasanaethau Plant
A. Williams, Cyfarwyddwr Lle & Seilwaith
S. Murphy, Pennaeth y Gyfraith, Llywodraethu a Gwasanaethau Sifil
D. Hockenhull, Rheolwr Cyfryngau a Marchnata;
L. Jenkins, Swyddog Cymorth y Cabinet
R. Evans, Homes Rheolwr Addasiadau (mewn perthynas ag eitem 6)
D. Hall-Jones, Swyddog Cymorth i'r Aelodau
K. Evans, Swyddog Gwasanaethau Democrataidd
A. Eynon - Cyfieithydd ar y Pryd

Siambr, Neuadd Y Sir, Caerfyrddin, SA31 1JP - 10.00yb - 10.40yb

1. YMDDIHEURIADAU AM ABSENOLDEB

Cafwyd ymddiheuriadau am absenoldeb gan y Cynghorwyr H.A.L. Evans ac E.G. Thomas.

2. DATGANIADAU O FUDDIANNAU PERSONOL

Ni ddatganwyd unrhyw fuddiannau personol.

3. I LOFNODI FEL COFNOD CYWIR COFNODION CYFARFOD Y CABINET A GYNHALIWYD AR Y 16 MEDI 2024

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

PENDERFYNWYD YN UNFRYDOL Iofnodi bod cofnodion cyfarfod y Cabinet a gynhaliwyd ar 16 Medi 2024 yn gofnod cywir.

4. CWESTIYNAU Â RHYBUDD GAN YR AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

6. ADRODDIAD GRŴP GORCHWYL A GORFFEN Y PWYLLGOR CRAFFU CYMUNEDAU, CARTREFI AC ADFYWIO - POLISI ADDASIADAU

Cafodd y Cabinet ganfyddiadau ac argymhellion y Grŵp Gorchwyl a Gorffen y Pwyllgor Craffu Cymunedau, Cartrefi ac Adfywio ynghylch Polisi Addasiadau'r Cyngor i'w hystyried. Mae gan y Cyngor ddyletswydd statudol a bydd y polisi diwygiedig yn helpu i reoli'r galw am addasiadau, o dan Ddeddf Grantiau Tai, Adeiladu ac Adfywio 1996, a Deddf Plant 1989.

Gofynnodd y Dirprwy Arweinydd a'r Aelod Cabinet dros Gartrefi o dan bwynt 3 i'r geiriad ddarllen; lle bernir bod yr amgylchiadau'n eithriadol, bydd y mater yn cael ei gyfeirio at Bennaeth y Gwasanaeth (y gwasanaethau Tai a Chyllid) i'w ystyried. Nid yw'r atgyfeiriad hwn yn golygu y bydd y penderfyniad yn cael ei gymeradwyo.

PENDERFYNWYD YN UNFRYDOL:

6.1 cymeradwyo ailgyflwyno prawf modd ar gyfer grantiau cyfleusterau i'r anabl ar raddfa ganolog;

6.2 mabwysiadu'r Polisi Addasiadau Drafft diwygiedig, sydd ynghlwm wrth atodiad 1 yr adroddiad, gan ymgorffori'r gwelliannau a awgrymir;

6.3 cymeradwyo Amodau Ad-dalu Grant ar yr holl Grantiau Cyfleusterau i'r Anabl dros £5,000 os yw'r eiddo'n cael ei werthu o fewn 10 mlynedd ar ôl cwblhau'r addasiad gyda'r eithriadau canlynol yn unig:

- a) Caledi ariannol
- b) Symud am resymau cyflogaeth
- c) Symud i ofal preswyl;

6.4 cymeradwyo'r addasiadau ar gyfer plant gofal maeth a leolir yn Sir Gaerfyrddin gan Awdurdod Lleol arall oni bai y bodloni'r meini prawf yn y polisi;

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

6.5 cytuno bod staffio'n cael ei adolygu i sicrhau bod adnoddau digonol ar gael i ddelio â'r galw mawr parhaus am y gwasanaeth.

7. ADRODDIAD MONITRO CYLLIDEB REFENIW Y CYNGOR

Bu'r Cabinet yn ystyried adroddiad monitro'r gyllideb refeniw a oedd yn rhoi'r wybodaeth ddiweddaraf am y sefyllfa gyllidebol fel yr oedd ar 30 Mehefin 2024, o ran 2024/2025.

Yn gyffredinol, roedd yr adroddiad monitro yn rhagweld gorwariant ar gyfer y flwyddyn ar lefel adrannol o £17.9m gan gynnwys cyllidebau ysgol, ac yn rhagweld gorwariant o £9.6m ar gyllideb refeniw net yr Awdurdod.

Nododd y Cabinet nad oedd cadarnhad ffurfiol o gyllid ar gyfer pensiynau Athrawon a Diffoddwyr Tân wedi dod i law hyd yma. Mae £4.1m wedi'i chyllidebu ar gyfer hyn.

Mae'r Cyfrif Refeniw Tai a nodir yn Atodiad B yr adroddiad yn rhagweld gorwariant o £1.742m ar gyfer 2024/25. Nododd y Cabinet y byddai'r sefyllfa'n cael ei hadolygu wrth i'r materion sylweddol a nodwyd ddod yn gliriach o safbwynt ariannol.

PENDERFYNWYD YN UNFRYDOL:

7.1 derbyn adroddiad monitro'r gyllideb, a nodi'r sefyllfa gyllidebol a'r camau unioni priodol a gymerwyd;

7.2 o ran gorwariant sylweddol ar feysydd penodol o'r gyllideb, bod y Prif Swyddogion a'r Penaethiaid Gwasanaeth yn adolygu'n feirniadol yr opsiynau sydd ar gael iddynt er mwyn mynd i'r afael â'r effaith barhaus.

8. DIWEDDARU RHAGLEN GYFALAF 2024/25

Cafodd y Cabinet adroddiad a oedd yn rhoi'r wybodaeth ddiweddaraf am y sefyllfa gyllidebol ar gyfer rhaglen gyfalaf 2024/25, fel yr oedd ar 30 Mehefin 2024 gan fanylu ar y prosiectau newydd i'w nodi a'u cymeradwyo gan y Cabinet. Nododd yr adroddiad wariant net a ragwelir o £112,741 o gymharu â chyllideb net weithredol o £142,607, gan roi amrywiad o -£29,866.

Roedd y gyllideb net yn cynnwys rhaglenni cyfalaf gwreiddiol y Cyfrif Refeniw Tai a'r Gronfa Gyffredinol a gymeradwywyd gan y Cyngor Llawn a llithriad o 2023/24. Roedd rhai cyllidebau hefyd wedi cael eu diwygio yn unol â'r gwahaniaethau yn y dyraniadau grant gwirioneddol o gymharu â'r dyraniadau disgwylidig pan gafodd y rhaglen ei chymeradwyo, a grantiau newydd oedd wedi dod i law yn ystod y flwyddyn hyd yn hyn.

Roedd Atodiad B i'r adroddiad yn nodi'r prif amrywiadau ym mhob adran.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

PENDERFYNWYD YN UNFRYDOL:

- 8.1 bod yr adroddiad ar ddiweddarau'r rhaglen gyfalaf yn cael ei dderbyn;**
- 8.2 bod y prosiectau newydd, fel yr oeddent yn yr adroddiad, yn cael eu nodi a'u cytuno.**

9. PENODI UWCH-GRWNER AR GYFER AWDURDODAETH SIR BENFRO A SIR GAERFYRDDIN

Rhoddodd y Cabinet ystyriaeth i adroddiad yn manylu ar y cynnig i recriwtio Uwch-grwner ar gyfer ardal Sir Benfro a Sir Gaerfyrddin.

Nododd y Cabinet fod Swyddfa'r Crwner wedi cadarnhau na fyddai Sir Benfro a Sir Gaerfyrddin yn cael eu heffeithio gan y posibilrwydd o uno awdurdodaeth y Crwner. Felly, gallai'r cynghorau fwrw ymlaen â phenodi Uwch-grwner parhaol.

Nodwyd bod gan y ddau Gyngor, ar y cyd â'r Prif Grwner a'r Arglwydd Ganghellor, rwymedigaeth gyfreithiol i sicrhau bod gan yr awdurdodaeth drefniadau gwasanaeth crwner effeithiol ar waith gydag adnoddau digonol, a hynny o dan Ddeddf Crwneriaid a Chyfiawnder 2009.

Dywedodd Pennaeth y Gyfraith, Llywodraethu a Gwasanaethau Sifil wrth y Cabinet nad oedd yn rhaid cyflwyno'r adroddiad i'r Cyngor Llawn ac y gellid gwneud penderfyniad yng nghyfarfod y Cabinet heddiw.

PENDERFYNWYD YN UNFRYDOL:

9.1 cynorthwyo Cyngor Sir Penfro o ran paratoi'r disgrifiad swydd, y telerau contractiol a'r broses benodi ar gyfer Uwch-grwner a gwneud trefniadau i hysbysebu'r swydd yn briodol;

9.2 cynorthwyo Cyngor Sir Penfro i gymryd yr holl gamau angenrheidiol i benodi Uwch-grwner;

9.3 ymgynghori â Chyngor Sir Penfro a Phrif Swyddog y Crwner, i sefydlu panel, er mwyn llunio rhestr fer, i gyfweld ag ymgeiswyr ac i benodi'r ymgeisydd llwyddiannus yn Uwch-grwner Sir Benfro a Sir Gaerfyrddin.

10. DEISEB YSGOL HEOL GOFFA

Cafodd y Cabinet adroddiad i'w ystyried yn manylu ar yr ymateb i ddeiseb a gyflwynwyd i'r Cyngor ar 10 Gorffennaf 2024 ynghylch Ysgol Heol Goffa (gweler cofnod 12).

Yng nghyfarfod y Cyngor dywedodd yr Aelod Cabinet dros Addysg a'r Gymraeg na allai'r cynllun presennol ar gyfer Ysgol Heol Goffa fynd yn ei flaen oherwydd cost tendro'r prosiect.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Nododd y Cabinet fod Mr David Davies, cyn-bennaeth Anghenion Dysgu Ychwanegol a Llesiant Cyngor Bro Morgannwg, wedi cael ei gomisiynu gan Gyngor Sir Caerfyrddin i arwain adolygiad annibynnol o'r ddarpariaeth arbenigol bresennol ar gyfer Anghenion Dysgu Ychwanegol (ADY) yn Llanelli.

Dechreuodd adolygiad ym mis Medi, 2024 gyda dysgwyr, rhieni, staff, llywodraethwyr a rhanddeiliaid ehangach i wrando ar eu sylwadau a'u cymryd i ystyriaeth.

Nodwyd y bydd yr holl gynigion a gaiff eu datblygu yn y dyfodol, yn dilyn yr adolygiad annibynnol, yn destun ymgynghoriad cyhoeddus llawn ar yr adeg briodol. Bydd casgliadau'r adolygiad yn cael eu cyflwyno i gyfarfod y Cabinet yn y dyfodol.

PENDERFYNWYD YN UNFRYDOL dderbyn y ddeiseb a nodi cynnwys yr adroddiad.

11. RHYBUDD GYNNIG RHEILFFORDD CALON CYMRU

Cafodd y Cabinet adroddiad a oedd yn cynnwys gwybodaeth mewn ymateb i rybudd o gynnig a gyfeiriwyd at y Cabinet gan y Cyngor Sir ar 10 Gorffennaf, 2024 (gweler cofnod 10.1).

Nododd aelodau'r Cabinet fod Trafnidiaeth Cymru wedi datgelu cynlluniau yn gynharach eleni i leihau nifer y gwasanaethau ar reilffordd Calon Cymru o bump i bedwar y dydd. Mae cynlluniau hefyd i gael gwared ar ddau wasanaeth gyda'r nos i Lanymddyfri a Llandrindod yn cael eu cynnig o fis Rhagfyr 2024. Yn sylfaenol, gallai'r penderfyniad i leihau'r gwasanaeth hwn, a'r diffyg buddsoddiad mewn stoc dros y degawd diwethaf beryglu dyfodol tymor hir y rheilffordd.

Nodwyd bod llythyr wedi'i anfon gan yr Aelod Cabinet dros Wasanaethau Trafnidiaeth, Gwastraff a Seilwaith at Lywodraeth Cymru yn mynegi sylwadau'r Rhybudd o Gynnig.

PENDERFYNWYD YN UNFRYDOL nodi cynnwys yr adroddiad.

12. UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYD YN UNOL AG ADRAN 100B(4)(B) O DDEDDF LLYWODRAETH LEOL, 1972.

Dywedodd y Cadeirydd nad oedd unrhyw eitemau eraill o fater bryd.

CADEIRYDD

DYDDIAD

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf